



PROCJENA STANJA PRIRODE I UPRAVLJANJA PRIRODNIM RESURSIMA U BOSNI I HERCEGOVINI

POZIV ZA UČEŠĆE U MULTIDISCIPLINARNOM AUTORSKOM TIMU

Projekat *Procjena stanja prirode i upravljanja prirodnim resursima u Bosni i Hercegovini* (PSP BiH) poziva sve zainteresirane eksperte da se prijave na Poziv za učešće u multidisciplinarnom autorskom timu.

Korištenjem rezultata iz različitih naučnih oblasti za *Procjenu stanja*, ovaj projekat predstavlja važan korak Bosne i Hercegovine na putu održivog razvoja.

Prema opšteprihvaćenom javnom mišljenju, stanje prirode i prirodnih resursa Bosne i Hercegovine nije zadovoljavajuće. Projekat pod navedenim nazivom je proces kojim će se objediniti i usaglasiti postojeće naučne i tehničke činjenice o vrijednostima i stanju prirode i prirodnih resursa, o društvenim i razvojnim pritiscima na iste, te o postojećim i poželjnim opcijama upravljanja. Procjenom će se uspostaviti platforma za informisano donošenje onih odluka koje imaju efekat na stanje prirode i prirodnih resursa, a time i na kvalitet življenja u Bosni i Hercegovini.

Projekat traje do 2023. godine, kad trebaju biti usaglašeni i usvojeni **Zaključci za donosiocje odluka**. Relevantne podatke o projektu možete saznati na www.procjenapriode.ba, facebook stranici projekta i direktno, upitom na kontakt adrese.

S obzirom na značaj i multidisciplinarni karakter teme, kao i na potencijal uticaja projekta na održivi razvoj Bosne i Hercegovine, za temeljnu pripremu *Procjene* neophodno je učešće domaćih eksperata iz različitih naučnih i stručnih oblasti.

Projekat se implementira prema metodologiji svjetske Međuvladine naučno-političke platforme za biodiverzitet i ekosistemske servise (IPBES). Platforma ima zadatak obezbjeđivanja relevantnih, a jasnih informacija za donosiocje odluka. Svaka IPBES procjena se sastoji iz šest poglavlja, koja pripremaju eksperti različitih profila.

U narednoj tabeli je predstavljen kratak sadržaj šest poglavlja Procjene i traženi profil eksperata.

SADRŽAJ POGLAVLJA		EKSPERTNA OBLAST
1	Uvod: Kontekst procjene	<ul style="list-style-type: none"> • Oblasti prirodnih i društvenih nauka
2	Vrijednosti prirode, prirodnih resursa i drugih koristi od prirode u kontekstu kvaliteta življenja u Bosni i Hercegovini	<ul style="list-style-type: none"> • Oblasti društvenih, humanističkih, medicinskih, prirodno-matematičkih, biotehničkih i tehničkih nauka i umjetnosti. • Tradicionalna (narodna) znanja
3	Status i trendovi biodiverziteta Bosne i Hercegovine na nivou gena, vrsta i ekosistema	<ul style="list-style-type: none"> • Oblasti prirodnih nauka
4	Društveni (indirektni) i razvojni (direktni) pritisci na prirodu	<ul style="list-style-type: none"> • Oblasti društvenih i prirodnih nauka
5	Trendovi interakcije prirode i društva u Bosni i Hercegovini; scenariji stanja prirode	<ul style="list-style-type: none"> • Oblasti društvenih, humanističkih, medicinskih, prirodno-matematičkih, biotehničkih i tehničkih nauka i umjetnosti. • Tradicionalna (narodna) znanja
6	Opcije upravljanja prirodom i prirodnim resursima u Bosni i Hercegovini	<ul style="list-style-type: none"> • Oblasti društvenih, humanističkih, medicinskih, prirodno-matematičkih, biotehničkih i tehničkih nauka i umjetnosti. • Stručna znanja praktičara i donosilaca odluka

Ohrabrujemo eksperte različitih profila da se prijave na ovaj Poziv, jer autorskim učešćem u Procjeni :

1. postajete dio multidisciplinarnog tima Bosne i Hercegovine koji po prvi put razmatra integralnu procjenu stanja prirode i održivog upravljanja prirodnim resursima u kontekstu interakcije naučnih rezultata i politika upravljanja,
2. stičete valjane kompetencije i uslove za nominaciju u autorske timove IPBES-a (Međuvladine UN naučno-političke platforme za biodiverzitet i ekosistemske servise), kao ekspert iz oblasti društvenih, prirodnih i drugih navedenih nauka,
3. stičete mogućnost da, zajedno sa drugim članovima tima, a na temelju stečenih znanja i iskustava objavljujete radove u domaćim i stručnim naučnim časopisima,
4. učestvujete na 3 petodnevna autorska sastanka tokom trajanja projekta (plaćeni troškovi učešća).

Prvi petodnevni autorski sastanak se planira **sredinom mjeseca jula 2020**, u odgovarajućem hotelskom smještaju **na planini Jahorini**. Zbog svih nas zajedno, iskreno se nadamo da će se do tada steći neophodni bezbjedni uslovi za prvo okupljanje autorskog tima.

- U prijavi za učešće u timu autora Procjene, potrebno je dostaviti: (1) **Curriculum Vitae** (2) **bibliografiju** i (3) **listu realizovanih projekata**.
- Poziv za autorski tim ostaje otvoren do **15. maja 2020. godine**. Putem e-maila ćete biti obaviješteni o rezultatima prijave i daljem procesu implementacije projekta.

Ljubazno vas pozivamo da svoju prijavu za učešće u multidisciplinarnom ekspertnom timu pošaljete na sljedeće adrese: kontakt@procjenaprirode.ba, ena_simic@yahoo.co.uk i/ili sebarudanovic@gmail.com.

U očekivanju Vaše prijave, želimo Vam dobrodošlicu u autorski tim. Ostanite kod kuće.

PSP koordinator

Prof. dr. Senka Barudanović

Centar za ekologiju i prirodne resurse „Akademik Sulejman Redžić“

Univerzitet u Sarajevu